



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1601. usque ad annum 1605

Fleury, Claude

August. Vind. [u.a.], 1776

VD18 90118790

§. 214. Duo libri a Parisiensi Facultate Theologica proscripti.

[urn:nbn:de:hbz:466:1-67204](https://nbn-resolving.org/urn:nbn:de:hbz:466:1-67204)

§. CCXIV.

Sæc. XVII.
A. C. 1605.*Duo libri a Parisensi Facultate Theologica proscripti.*

Hoc item anno Sedis Apostolicæ Nuntius quemdam denuntiabat librum, quem Magister Petrus Victorius Palma Cayet, priusquam a Calvini secta ad fidem Catholicam reverteretur, publici juris fecit, ac suæ lucubrationi sequentem inscripsit titulum: *Septenaria Chronologia seu Historia de Pace inter Franciæ & Hispaniæ Reges, in qua memoratu digniora ab anno Christi millesimo quingentesimo nonagesimo octavo usque ad annum millesimum sexcentimum quartum continentur.* In ea præcipue tres notabantur propositiones, quarum prima erat hæc: „Pontifex qua Pontifex circa essentialia fidei ejusque articulos, qui nondum sunt definiti, majorem non habet auctoritatem, quam quisque alius, nisi id ei sit expresse revelatum: „Hæc autem revelatio absque miraculo non est recipienda. II. Papa ut Episcopus suo Archiepiscopo Ostiensi est subjectus, ita dispositum legimus a Majoribus, eo fine, ut Romanus Episcopus se suo Superiori subditum esse agnoscat, prout & agnitus fuit. III. „Ut Universalis consensus definiatur, necesse

*Argentre
Jud. Facult.
Theol. Paris.
tom. 2.*

Sæc. XVII. „cesse est, ut unus omnibus præsit, &
A. C. 1605. „hic est Spiritualis ille, qui iudicat
 „omnia, & a nemine iudicatur. 1. Cor.
 „2. v. 15. „ Hæ igitur propositiones a
 Sacra Facultate Theologica Parisiensi
 pluribus Doctoribus examinandæ pre-
 debantur, quibus etiam suum iudicium
 ferentibus die trigesima Junii præcæ
 propositiones tanquam erroneæ, sum-
 moque Pontifici valde injuriosæ, atque
 ad hæresin accedentes fuerunt dam-
 natæ, & omnino prohibitæ. Insuper
 inhibutum, ne hic liber amplius divul-
 getur, donec corrigeretur: interea ve-
 ro non modo illius Author, sed etiam
 duo Magistri in jus vocabantur, & ille
 quidem, ut coram Facultate se purgaret;
 hi autem, ut de lata eorum approba-
 tione rationem redderent: spargebant
 enim, quod fraude ac importunitate
 potius quam libri lectione ad hujus o-
 peris approbationem fuissent industi,
 Authore fidem suam interponente, in
 eo nil nisi solam Historiam, nihilque ad
 fidem pertinens ibidem contineri. Per-
 ceptis omnium responsis die prima Au-
 gusti Facultas Theologica habito con-
 ventu pronuntiabat, quod censura præ-
 fati libri jam antea facta typis manda-
 retur: Eodem quoque hoc anno idem
 liber Romæ die decima sexta Decem-
 bris ad Indicem librorum, quorum
 Lectio

Lectio inhibita est, rejiciebatur. Alium Sæc. XVII.
A. C. 1605.
librum, quem P. Davignonius ex Ordine S. Francisci vulgaverat, tanquam Blasphemiis scatentem Facultatis Syndicus denuntiabat, desuper tamen conclusum, examen hujus libri Patri Guardiano suisque Theologis esse commitendum, eo fine, ut si hunc librum responsione dignum censerent, ipsimet ad objecta responderent; Certi enim erant Facultatis Theologi, quod privati dispendii formido Franciscanos nequaquam a communi justitiæ bono absterere valeret.

§. CCXV.

*Unicus Cardinalis a Paulo V.
renuntiatus.*

Die decima octava Julii Paulus V. summus Pontifex primo sui Pontificatus anno Scipionem Caffarellum patria Romanum ex Sorore Nepotem Sacra decorabat Purpura, adjecto titulo S. Chryfogni: cum vero Pontifex eundem, licet alias meritis insignem, innumeris divitiis ac Sacerdotiis honestasset, haud Nepotismi labem effugere poterat, quamvis spectato Nepotis Pontificii ministerio excusandus foret Pontifex, dum sanguine propinquiorem se legit, si eo nullum fidiorem sibi existimat.

*Ciacon. in
vic. Pauli V.
Marac. in
Purpura
Marian.*